

Des Berichtes anderer Theil / wie
man in diesen Taffeln nachschla-
gen soll.

Es seynd die Sinus, tangentes, vnd se-
cantes in folgenden Taffeln nit weiters / als
auff einen Quadranten, oder 90. grad ver-
zeichnet / auß vrsach / weil die Arcus, so grösser seynd
als ein Quadrant gleiche Sinus haben mit den klei-
nern / Als die Lini B. E. ist so wol Sinus des grössern
Arcus B. F. I. G. als des kleinern B. C. So können ge-
meldte grössere Arcus gang keine tangentes vnd se-
cantes haben / wie auß obgesetzter 14 vnd 15 defini-
tion abzunehmen.

Dieser Taffeln nun sich recht zugebrauchen / ist
vonnöthen / daß vorher jr disposition vnd structur
wol verstanden werde: Die also beschaffen.

Es stehen allwegen die Sinus, tangentes, vnd se-
cantes sampt jedens Complemento zu nächst nebē
einander. Die Sinus, tangentes vñ secantes, so vnder
einem halben quadranten, oder 45. grad seyn / die
stehen gegen der lincken hand / gleich aber neben je-
dem zur rechten stehen ihre Complementa, welche
alle von 45^o biß auff 90 grad auffsteigen. Zur lin-
cken hand eusserst am lincken blat / seynd zu oberst
die gradus der sinuum, tangentium vnd secantiū,
so vnder 45 grad sein / gezeichnet / an der Seiten a-
ber herab stehen die Minuten herab. Belangend
aber die Sinus, tangentes vñ secantes, so vber 45-
grad / vnd der vorigē Complementa seyn / seyn der
selben